

512



*Suad
30.06.2015
Alina*

Broj: 10-37-17091/15
Sarajevo, 29.06.2015.godine

SKUPŠTINA KANTONA SARAJEVO
n/r Predsjedavajući Skupštine Kantona Sarajevo, Sejo Bukva
- O V D J E -

PREDMET : Odgovor na zastupničko pitanje – zastupnice Mersihe Mehmedagić

Zastupnica Mersiha Mehmedagić je na Četvrtoj Radnoj sjednici Skupštine Kantona Sarajevo, održanoj dana 17.06.2015.godine u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo postavila zastupničko pitanje Ministarstvu zdravstva sljedeće pitanje:

„Da li Minsitarstvo zdravstva Kantona Sarajevo vrši nadzor nad radom apoteka i na koji način?

Da li je Ministarstvo zdravstva imalo informaciju o pritužbama građana na rad pojedinih apoteka, pa i PZU Apoteke Leko, prije izdavanja odobrenja?

Šta će Ministarstvo poduzeti u vezi sa zahtjevima za izdavanje novih rješenja za rad ogranaka apoteka koje na određenim lokacijama ne pružaju adekvatnu uslugu građanima?“

U vezi sa postavljenim zastupničkim pitanjem Ministarstvo zdravstva dostavlja slijedeći

ODGOVOR

1. Članom 60 Zakona o apotekarskoj djelatnosti (“Službene novine FBiH”, broj 40/10) farmaceutska inspekcija, pored poslova, utvrđenih propisom o inspekcijama u Federaciji BiH prati i proučava obavljanje apotekarske djelatnosti i preduzima mjere za njeno kvalitetno obavljanje, nadzire zakonitost rada apoteka i apotekarskih radnika u obavljanju apotekarske djelatnosti. Ministarstvo zdravstva Kantona Sarajevo nema ovlasti da vrši nadzor nad radom apoteka sa područja Kantona Sarajevo. Isključiva nadležnost za nadzor nad radom apoteka ima Kantonalna uprava za inspeksijske poslove- Inspektorat za sanitarne, zdravstvene i farmaceutske poslove.
2. Dana 4.3.2015.godine, Ministarstvo zdravstva Kantona Sarajevo je zaprimilo od Općine Novi Grad Inicijativu za otvaranje apteke broj 03-23-sl/ED/2015 od 25.2.2015. godine od strane JU Apoteke Sarajevo jer stanovništvo nema kvalitetnu farmaceutsku uslugu na području MZ Alipašino polje. Napominjemo da je na tom području radio ogranak PZU Apoteke Leko- na adresi Trg nezavisnosti broj 16. Istovremeno sa prijekom tog dokumenta, Ministarstvo zdravstva je zaprimilo i zahtjev PZU Lupriv ljekarne za promjenu osnivačko vlasničkih prava na pomenutoj apoteci, tako da smo znali da će stanovništvo te Mjesne zajednice dobiti kvalitetnu uslugu. U prilogu akta vam dostavljamo pomenutu Inicijativu Općine Novi Grad.
3. U toku 2013. i 2014.godine Ministarstvo zdravstva je zaprimalo brojne zahtjeve za izdavanjem prethodne saglasnosti. S obzirom da je Odluka o slobodnim lokacijama za



2015.godinu donesena tek u martu 2015.godine, te da se pripremala Izmjena i dopuna pomenute Odluke u maju 2015.godine, razmatranje svih zaprimljenih zahtjeva se okončalo 8.6.2015.godine te je utvrđena Rang lista ponuđača.

Ministarstvo zdravstva Kantona Sarajevo je prilikom utvrđivanja Rang liste vodilo računa o nezaposlenim magistrima farmacije i o činjenici da se jednoj osobi ne trebaju izdati dvije prethodne saglasnosti. Takođe vodilo se računa i o datumu prijema zahtjeva ukoliko svi ponuđači zadovoljavaju ostale kriterije.

Informišemo zastupnike Skupštine Kantona Sarajevo da je PZU Apoteke Leko u toku 2013. i 2014.godine, kada nije bila ni donesena Odluka o slobodnim lokacijama, dostavila Ministarstvu zdravstva oko 10-tak zahtjeva i oko 10 urgencija za izdavanje prethodne saglasnosti za otvaranje apoteke na području Mjesnih zajednica Vlaskovo i Hotonj.

Napominjemo da je ova ustanova, prije dobijanja prethodne saglasnosti koja je preduslov za pokretanje postupka odobravanja rada apoteke, zakupila prostor i dobila saglasnosti Općine o nemjeni prostora što je suprotno članu 6. stav 3. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine FBiH", br. 44/12, 23/13, 27/14).

Saznanja da PZU Apoteke Leko ne radi ni na jednoj lokaciji u trenutku pripreme Rang liste nismo imali niti smo zaprimili bilo kakvu obavijest od strane Inspektorata za sanitarne, zdravstvene i farmaceutske poslove.

Nadalje, objavom Rang liste ponuđača i obavještanjem istih o izboru, konstatovali smo da se ni na jednom telefonskom broju PZU Apoteke Leko - 4 apoteke niko ne javlja. Prethodnu saglasnost smo uputili faxom u sjedište PZU Apoteke Leko na adresi Kolodvorska 11 dana 9.6.2015.godine, te izvršili otpremu putem protokola na poštu. Dostavnicu o uručanju dokumenta još uvijek čekamo.

Po prijemu dostavnice ćemo znati da li je primljena prethodna saglasnost za lokaciju Vlaskovo.

Isti dan, dakle 9.6.2015.godine, Ministarstvo zdravstva Kantona Sarajevo je telefonski kontaktirao osnivač ove ustanove i prijetio sa tužbom jer mu se nije izdala i druga prethodna saglasnost na lokaciji Hotonj.

Do dana, 17.6.2015.godine, kada je i postavljeno zastupničko pitanje, posjedujemo saznanja da je ova ustanova dužnik veledrogerijama, da su dvije apoteke u fazi adaptacije a da druge dvije apoteke vrše popis robe tako da ne pružaju uslugu korisnicima Kantona Sarajevo.

Ministarstvo zdravstvo Kantona Sarajevo je uputilo zahtjev Inspektoratu za sanitarne, zdravstvene i farmaceutske poslove za dostavu podataka o svim ograncima PZU Apoteke Leko koliko dugo ne pružaju usluge stanovništvu Kantona Sarajevo.

Prema nalazu farmaceutske inspektorice, zadnji recepti su dostavljeni zavodu zdravstvenog osiguranja u periodu 2.12.2014.godine do 5.2.2015.godine što znanči da ni jedan ogranak ne radi već 5 mjeseci.

Obavještvamo zastupnike da će po prijemu dostavnice o uručanju/neuručenju prethodne saglasnosti, Ministarstvo zdravstva će poništiti istu i dodijeliti je sljedećem na rang listi.

S poštovanjem,



MINISTRICA
Prim. dr Emira Tanović-Mikulec



web: <http://mz.ks.gov.ba>
e-mail: minzdrav@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1






Edin Huse
1870

Inspektorat sanitarne, zdravstvene
i farmaceutske inspekcije

Broj: 14-10/10-37-02123/15
Sarajevo, 22.6.2015. godine

Federa

23-06-2015



MINISTARSTVO ZDRAVSTVA KANTONA SARAJEVO
MINISTRICA

prim. dr Emira Tanović - Mikulec
ul. Reisa Džemaludina Čauševića broj 1, Sarajevo

PREDMET: Informacija o radu PZU Apoteke Leko Sarajevo

Veza: Vaš akt broj 10-37-2004-22/15 od 18.06.2015. godine

Vezano za Vaš Zahtjev, broj i datum kao u predmetu, u kojem tražite da vam što hitnije dostavimo informaciju, ukoliko je posjedujemo, koliko dugo četiri apoteke u sastavu PZU Apoteke Leko ne pružaju usluge stanovništvu Kantona Sarajevo, kao i informaciju o nezadovoljstvu građana Kantona Sarajevo sa uslugama koje pružaju ove apoteke, obavještavamo vas o sljedećem.

Dana 20.06.2015. godine i 22.06.2015. godine, farmaceutska inspekcija ove Uprave, provela je usmjereni nadzor na četiri lokacije na kojima je sjedište PZU Apoteka Leko i tri poslovne jedinice ove Ustanove, a s ciljem provjere traženog u predmetnom zahtjevu.

Neposrednom kontrolom je konstatovano:

I PZU APOTEKA LEKO INTERNACIONAL, sa sjedištem u ulici Kolodvorska broj 11, Sarajevo

U trenutku nadzora, provedenog dana 20.06.2015. godine u 11.30 sati, utvrđeno je da apoteka ne radi i da je na ulazu istaknuta obavijest „popis robe“, bez navođenja podataka o početku i završetku istog. Nema prisutnih uposlenika. U pogledu opreme ne uočavaju se promjene u oficini, dijelu prostora koji se može vidjeti. Na policama ima lijekova.

Prema Rješenju Ministarstva zdravstva Kantona Sarajevo broj 10-37-13902/10 od 06.12.2010. godine, radno vrijeme predmetne apoteke je svakim radnim danom od 8.00 do 21.00 sat i subotom od 8.00 do 15.00 sati.

Pošto se nije mogao uspostaviti kontakt sa direktoricom Ustanove, provjereno je da li ova ugovorna apoteka dostavlja Zavodu zdravstvenog osiguranja Kantona Sarajevo recepte na kojima se propisuju lijekovi na teret sredstava zdravstvenog osiguranja. Ovlašteno lice Zavoda je provjerilo i utvrdilo da su zadnji recepti iz predmetne apoteke dostavljeni na realizaciju **05.02.2015.** godine.

II PZU APOTEKA LEKO INTERNACIONAL, OGRANAK APOTEKA LEKO CENTAR, sa sjedištem u ulici Maršala Tita broj 60, Sarajevo

U trenutku nadzora, provedenog dana 20.06.2015. godine u 12.30 sati, utvrđeno je da ogranak apoteke ne radi i da je na ulazu istaknuta obavijest „adaptacija (krečnje)“, bez navođenja podataka o početku i završetku iste. Portali su zaštićeni neprovidnim folijama tako da se nije moglo utvrditi ništa više od navedenog.

Prema Rješenju Ministarstva zdravstva Kantona Sarajevo broj 10-37-13902-1/10 od 07.12.2010. godine, radno vrijeme predmetnog ogranka apoteke je svakim radnim danom od 8.00 do 21.00 sat i subotom od 8.00 do 21.00 sat.

Pošto se nije mogao uspostaviti kontakt sa odgovornim licem za rad predmetnog ogranka, provjereno je da li ova ugovorna apoteka dostavlja Zavodu zdravstvenog osiguranja Kantona Sarajevo recepte na kojima se propisuju lijekovi na teret sredstava zdravstvenog osiguranja. Ovlašteno lice Zavoda je provjerilo i utvrdilo da su zadnji recepti iz predmetnog ogranka dostavljeni na realizaciju **28.01.2015.** godine.



III PZU APOTEKA LEKO INTERNACIONAL, OGRANAK APOTEKA LEKO ŠIROKAČA, sa sjedištem u ulici Komatin broj 3, Sarajevo

U trenutku nadzora, provedenog dana 22.06.2015. godine u 8.30 sati, utvrđeno je da ogranak apoteke ne radi i da je na ulazu istaknuta obavijest „renoviranje apoteke“, bez navođenja podataka o početku i završetku istog. Nema prisutnih uposlenika. U pogledu opreme ne uočavaju se promjene i to u dijelu prostora koji se može vidjeti odnosno u oficini. Na policama nema lijekova.

Prema istaknutoj oznaci radno vrijeme predmetnog ogranka apoteke je ponedjeljkom, utorkom, četvrtkom i petkom od 8.00 do 15.00 sat i subotom od 13.00 do 20.00 sati.

Pošto se nije mogao uspostaviti kontakt sa odgovornim licem za rad predmetnog ogranka, provjereno je da li ova ugovorna apoteka dostavlja Zavodu zdravstvenog osiguranja Kantona Sarajevo recepte na kojima se propisuju lijekovi na teret sredstava zdravstvenog osiguranja. Ovlašteno lice Zavoda je provjerilo i utvrdilo da su zadnji recepti iz ove apoteke dostavljeni na realizaciju **02.12.2014.** godine.

IV PZU APOTEKA LEKO INTERNACIONAL, OGRANAK APOTEKA LEKO VELEŠIĆI, sa sjedištem u ulici Muhameda ef. Pandže bb, Sarajevo

U trenutku nadzora, provedenog dana 22.06.2015. godine u 9.30 sati, utvrđeno je da ogranak apoteke ne radi i da je na ulazu istaknuta obavijest „popis“, bez navođenja podataka o početku i završetku istog. Nema prisutnih uposlenika. U pogledu opreme ne uočavaju se promjene i to u dijelu prostora koji se može vidjeti odnosno u oficini. Na policama ima lijekova, kao i u pvc kutijama i kesama na podu.

Prema Rješenju Ministarstva zdravstva Kantona Sarajevo broj 10-37-5911/12 od 02.07.2012. godine, radno vrijeme predmetnog ogranka apoteke je svakim radnim danom od 8.00 do 20.00 sati, osim subote.

Pošto se nije mogao uspostaviti kontakt sa odgovornim licem za rad predmetnog ogranka, provjereno je da li ova ugovorna apoteka dostavlja Zavodu zdravstvenog osiguranja Kantona Sarajevo recepte na kojima se propisuju lijekovi na teret sredstava zdravstvenog osiguranja. Ovlašteno lice Zavoda je provjerilo je i utvrdilo da su zadnji recepti iz predmetnog ogranka dostavljeni na realizaciju **13.01.2015.** godine.


Neposrednom kontrolom je utvrđeno da PZU Apoteka Leko, kao ni tri poslovne jedinice ove Ustanove, ne rade ali nije utvrđeno koliko dugo. Shodno tome, provjereno je da li iste, kao ugovorne apoteke, dostavljaju u Zavod zdravstvenog osiguranja Kantona Sarajevo recepte na kojima su propisani lijekovi na teret sredstava zdravstvenog osiguranja. Kontaktirana je mr. ph. Anesa Eminović, pomoćnica direktora Zavoda za medicinska i farmaceutska pitanja. Imenovana je provjerila i utvrdila da su zadnji recepti iz ove četiri ugovorne apoteke dostavljeni na realizaciju u periodu od 02.12.2014. godine do 05.02.2015. godine.

Vezano za informaciju o nezadovoljstvu korisnika uslugama koje se pružaju u PZU Apoteka Leko, ova Uprava nije imala zaprimljenih predstavki u kojima se ukazuje na navedeno.

S poštovanjem,

Pripremila
FARMACEUTSKA INSPEKTORICA
prim. mr. ph. Azra Selmanović

Selmanovic




GLAVNA INSPEKTORICA
dr. Senada Hadžijusufović

Hadz



web: <http://kuip.ks.gov.ba>
mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 569-870 (direktor)
Fax: + 387 (0) 33 770-151; 569-890
Sarajevo, Reisa Džemaludina Čauševića br. 1



Broj : 03 – 23 – sl / ED / 2015
Sarajevo, 25.02.2015. godine

Bosna i Hercegovina
Federacija Bosne i Hercegovine
KANTON SARAJEVO

PRIMLJENO	- 4 -03- 2015	Broj priloga
Organizacioni područje	37	3381

KANTON SARAJEVO
MINISTARSTVO ZDRAVSTVA
ul. Reisa Džemaludina Čauševića br. 1

SARAJEVO

n / r G-dina Ministra

PREDMET : Inicijativa za otvaranje Apoteke

Poštovani g-dine Ministre,

Općina Novi Grad Sarajevo, u skladu sa zahtjevima Savjeta MZ "Alipašino polje C – I i C – II", ima i pokušava da riješi problem nepostojanja odgovarajuće apoteke na lokalitetu ovih mjesnih zajednica u ulici Trg nezavisnosti.

Tim povodom su uspostavljeni kontakti sa JU "Apoteke Sarajevo", koje su pismeno dostavili da su zainteresirani za ovu lokaciju budući da na istoj gravitira cca 6500 – 7000 stanovnika a Općina je, obezbijedila adekvatan općinski poslovni prostor na adresi Trg nezavisnosti br. 12 za ovu namjenu.


Problem sa kojim se trenutno susrećemo je poslovna jedinica Apoteka LEKO koja se nalazi na adresi Trg nezavisnosti br. 16, a čija je materijalna opremljenost vrlo nezadovoljavajuća i trenutno ista nije u mogućnosti da pruži adekvatnu uslugu lokalnom stanovništvu.

Budući da ste u fazi donošenja Odluke o slobodnim lokacijama za 2015. godinu na području Kantona Sarajevo, kao lokalna zajednica koja ima veliki interes u rješenju ovog pitanja, pokrećemo Inicijativu za uvrštavanje lokaliteta Trga nezavisnosti (MZ "Alipašino polje C – I i C – II) u istu, odnosno da se navedena lokacija smatra slobodnom za otvaranje poslovnice JU "Apoteka Sarajevo".

Također, molimo da, u sklopu svojih mogućnosti i nadležnosti, pomognete u realizaciji planiranog, na način češće inspeksijske kontrole kako rada tako i opremljenosti Apoteke LEKO na adresi Trg nezavisnosti br. 16, jer njeno postojanje, u ovoj trenutnoj formi, stvara problem kako stanovnicima ovih mjesnih zajednica tako i JU "Apoteke Sarajevo" za registraciju poslovnice.

Unaprijed se zahvaljujemo na susretljivosti i saradnji.

S poštovanjem,



Po ovlaštenju općinskog načelnika
Pomoćnik općinskog načelnika

Emir Đedović , dipl.ecc

